

SAKSPAPIR

Saksnr	Utval	Type	Dato
004/23	Eldrerådet	PS	16.02.2023
012/23	Formannskapet	PS	15.02.2023
	Heradsstyret	PS	
004/23	Råd for menneske med nedsett funksjonsevne	PS	16.02.2023
006/23	Ungdomsråd	PS	09.01.2023

Saksbehandlar	ArkivsakID
Linda Judith Svidal Nordås	22/3782

Eigarskapsmelding Idrettsanlegg

Rådmannen sitt framlegg til vedtak:

1. Det skal leggst fram ei eigarskapsmelding om idrettsanlegg for behandling i Heradsstyret.

Eigarskapsmeldinga skal

- Presentere konsekvensane av om kommunen eller idrettslaga eig idrettsanlegga.
- Legge fram forslag til korleis kommunen skal innrette dei økonomiske verkemidlane ein nyttar for utvikling, vedlikehald og drift til anlegga. Dette gjeld (1) drifts- og vedlikehaldsmidlane, (2) leigekontraktar mellom enkelte idrettslag og Osterøy kommune, (3) dekning av straumutgifter og (4) kommunale tilskot til utvikling og rehabilitering av anlegg.
- På grunnlag av disse to punkta, legge fram ei tilråding om kommunen eller laga skal eige anlegga.

Arbeidsgruppa for Kommunedelplanen i idrett og fysisk aktivitet får utvida sitt mandat til å utarbeide denne eigarskapsmeldinga.

2. Idrettskonsulent Ingri Thomassen vert valt inn som ein del av arbeidsgruppa både for eigarskapsmeldinga og for Kommunedelplanen i Idrett og fysisk aktivitet.

Formannskapet - 012/23

FS - behandling:

AVRØYSTING:

Samrøystes vedteke

FS - vedtak:

Det skal leggst fram ei eigarskapsmelding om idrettsanlegg for behandling i Heradsstyret.

Eigarskapsmeldinga skal

- **Presentere konsekvensane av om kommunen eller idrettslaga eig idrettsanlegga.**
- **Legge fram forslag til korleis kommunen skal innrette dei økonomiske verkemidlane ein nyttar for utvikling, vedlikehald og drift til anlegga. Dette gjeld (1) drifts- og vedlikehaldsmidlane, (2) leigekontraktar mellom enkelte idrettslag og Osterøy kommune, (3) dekning av straumutgifter og (4) kommunale tilskot til utvikling og rehabilitering av anlegg.**
- **På grunnlag av disse to punkta, legge fram ei tilråding om kommunen eller laga skal eige anlegga.**

Arbeidsgruppa for Kommunedelplanen i idrett og fysisk aktivitet får utvida sitt mandat til å utarbeide denne eigarskapsmeldinga.

Idrettskonsulent Ingri Thomassen vert valt inn som ein del av arbeidsgruppa både for eigarskapsmeldinga og for Kommunedelplanen i Idrett og fysisk aktivitet.

Saksopplysningar:

Saksopplysningar:

Arbeidet med Kommunedelplanen i Idrett og fysisk aktivitet har avdekka at Idrettsanlegga våre har uavklarte eigarforhold.

Den som søker spelemidlar, eig anlegget (jamfør retningslinjer for søknader om spelemidlar). Reglane for MVA-kompensasjon vart endra rundt 2015 – da kunne lag og organisasjonar søke sjølve. Dette medførte at Osterøy kommune i stor grad ikkje eigde spelemiddelsøknadane, og konsekvensen er då at deler av eit anlegg kan vere eigd av eit lag, medan resten er eigd av kommunen. Ein konsekvens kan då vere at banedekket eksempelvis er eigd av laget, medan lysanlegget er eigd av kommunen.

Vi ser òg at det ikkje nødvendigvis er samanheng mellom oppføringane i anleggsregisteret (tilskotsportal for spelemiddelsøknader, kulturdepartementet eig registeret) og dei lokale avtalane mellom idrettslaga og kommunen.

Dei økonomiske verkemidlane som kommunen har for å støtte idrettsanlegga, har vore uendra over fleire år. Dette inkluderer den konkrete summen som vert gjeve i drifts- og vedlikehaldsmidlar. Rådmannen vurderer at det er hensiktsmessig å nytte anledninga til å sjå på dei økonomiske verkemidlane og at endringar her vert i verk sett frå budsjettåret 2024.

Sidan arbeidsgruppa for KDP Idrett og fysisk aktivitet vart valt, har Osterøy kommune tilsett ungdoms- og idrettskonsulent. Rådmannen vurderer at det er hensiktsmessig at ho vert formelt valt inn i arbeidsgruppa. Per i dag deltek ho på møta, men berre som observatør.

Arbeidsgruppe for Kommunedelplan Idrett og fysisk aktivitet og arbeidsgruppe som kan arbeide fram eigarskapsmelding, består då av:

Linda Svidal Nordås – Leiar kultur og mangfald

Wenche-Mari Bliksås – Planfagleg oppfølging

Ingri Thomassen – Ungdoms- og idrettskonsulent

Henrik Styve Mjelde – Representant valt av ungdomsrådet

Jarle Hanstveit – Representant frå Eldrerådet og Rådet for personar med nedsett funksjonsevne

Øyvind Litland – Politisk representant

Helge Edvardsdal – Politisk representant

Idrettslaga må ha anledning til å komme med innspel i forkant av at eigarskapsmeldinga vert sendt til behandling i Heradsstyret. Deira innspel skal følgje saka til behandling i Heradsstyret.

Bakgrunn

Det er behov for ein klargjering av kven som skal eige idrettsanlegga i Osterøy kommune. Det må vere samanheng mellom avtalene om leige av grunn anlegga står på, anleggsregisteret og faktiske praktiske forhold. Vidare må Osterøy kommune sin praksis vere i tråd med lover, forskrifter og rettleiarar, både dei sentrale gjevne, men òg rettleiarar i dei ulike idrettsgreinene.

Vurdering

Folkehelse: Det er god folkehelse å sikre innbyggjarane tilgang på idrettsanlegg.

Miljø: Kunstgrasbanene våre skal rehabiliterast. Å ha rydda i dette er sentralt for å sikre avklarte forhold.

Økonomi: Det er til både Osterøy kommune og Idrettslaga sitt beste at ein gjer nye vurderingar av praksis slik denne har utvikla seg, og tilpassast til tida vi lever i.

Konklusjon

Det vert utarbeidd ei eigarskapsmelding for idrettsanlegg. Denne legg grunnlaget for at Kommunedelplanen i Idrett og fysisk aktivitet vert gjort klar for politisk behandling og høyring.